

Raja Muda Perlis Harap Kajian Institusi Raja Didokumentasikan



Raja Muda Perlis, Duli Yang Teramat Mulia Tuanku Syed Faizuddin Putra Jamallulail berharap agar semua aspek kajian berkaitan pemerintahan institusi raja dapat didokumentasikan sebagai satu khazanah negara. Baginda yang juga Canselor UniMAP bertitah demikian ketika merasmikan Seminar Institusi Raja (SIRaj-III) anjuran bersama Pusat Kajian Institusi Raja Malaysia (PKRIM) Universiti Malaysia Perlis (UniMAP) dengan Dewan Bahasa dan Pustaka (DBP) dan Perpustakaan Negara Malaysia di Dewan Seminar Dato' Hassan Ahmad, Kuala Lumpur.

Seminar selama sehari itu, turut mendapat kerjasama dari Kerajaan Negeri Perlis, Sekretariat Dunia Melayu Dunia Islam, Persatuan Perlis Kuala Lumpur dan Perbadanan Nasional Berhad. Pada majlis itu juga, baginda turut berkenan merasmikan pelancaran buku "Pemerintahan Raja dan Kerajaan Perlis" hasil nukilan Pengarah PKRIM UniMAP, Prof. Datin Paduka Datuk Dr. Ramlah Adam.